

**ხელშეკრულება**  
**სახელმწიფო შესყიდვების შესახებ №**

ქ. თბილისი

23.12.2016წ.

ერთის მხრივ, ლაგოდების მუნიციპალიტეტი, წარმოდგენილი მისი გამგებლის კარლო ჯამბურიას სახით (შემდგომში - შესყიდველი) და მეორეს მხრივ, სსიპ „საქართველოს იუსტიციის სასწავლო ცენტრი“ (შემდგომში - მიმწოდებელი), წარმოდგენილი მისი დირექტორის მ/შ-ის გიორგი პატარიძის სახით ვხელმძღვანელობთ, რა საქართველოში მოქმედი კანონმდებლობით, გამარტივებული შესყიდვის გამოყენებით, ვდებთ ამ ხელშეკრულებას შემდეგზე:

**I. ხელშეკრულების საგანი**

- 1.1 ხელშეკრულების საგანია მომსახურების(შემდგომში - შესყიდვის ობიექტი) შესყიდვა.
- 1.2 მომსახურების შესყიდვა გულისხმობს ლაგოდების მუნიციპალიტეტის თვითმმართველობის მოხელეთა თანამედროვე სტანდარტებისა და სანდოობის ხარისხის კონტროლის მექანიზმების შესაბამისი ტესტირების ორგანიზებას (№CPV-79600000).
- 1.3 ტესტირება უტარდება ლაგოდების მუნიციპალიტეტის თვითმმართველობის 2 მოხელეს.
- 1.4 შესყიდვის საშუალება: **გამარტივებული შესყიდვა.**

**II. შესყიდვის ობიექტის ღირებულება**

- 2.1 ერთი კონკურსანტის ტესტირების ღირებულება შეადგენს 10 (ათი) ლარს.
- 2.2 შესყიდვის ობიექტის საერთო ღირებულება შეადგენს 20(ოცი) ლარს, საქართველოში მოქმედი კანონმდებლობით დადგენილი ყველა გადასახადების გათვალისწინებით.

**III. შესყიდვის ობიექტის მიწოდების ვადები და ადგილი**

- 3.1 შესყიდვის ობიექტის მიწოდება განხორციელდება 2016 წლის 26 დეკემბერს.
- 3.2 ტესტირების შედეგების მიწოდების ვადაა არაუგვიანეს 2016 წლის 30 დეკემბრისა.
- 3.3 მომსახურების გაწევის ადგილია ქ. თბილისი, სანდრო ეულის ქ. №3°.

**IV. შესყიდვის ობიექტის მიღება-ჩაბარების წესი**

- 4.1 შესყიდვის ობიექტი ჩაითვლება მიღებულად მომსახურების გაწევისა და შესაბამისი მიღება-ჩაბარების აქტის გაფორმების შემდეგ.

**V. ანგარიშსწორების ფორმა, ვადა და ადგილი**

- 5.1 მიმწოდებელთან ანგარიშსწორება განხორციელდება ლარებში, 2016 წლის სახელმწიფო ბიუჯეტის სახსრებიდან.
- 5.2 მიმწოდებელს შესყიდვის ობიექტი აუნაზღაურდება უნადდო ანგარიშსწორებით, წარმოდგენილი მიღება-ჩაბარების აქტის გაფორმებიდან და ანგარიშ-ფაქტურის გამოწერიდან 20(ოცი)სამუშაო დღის განმავლობაში.

**VI. მხარეთა უფლება-მოვალეობანი**

- 6.1 შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2 შემსყიდველი ორგანიზაცია ვალდებულია:
  - ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება;
- 6.3 შემსყიდველ ორგანიზაციას უფლება აქვს:
  - განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე;
  - მოსთხოვოს მიმწოდებელს ინსპექტირებისას გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.



6.4. მიმწოდებელი ვალდებულია:

- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
  - უზრუნველყოს ტესტირებაში მონაწილე პირთა რეგისტრაცია, რომლის ხანგრძლივობა შეადგენს 1 საათს.
  - უზრუნველყოს ტესტირების ჩატარება ერთ ნაკადად, თითოეული ნაკადის ხანგრძლივობა ერთი დამსწრე პირისთვის უნდა შეადგენდეს არანაკლებ 2 აკადემიურ საათს;
  - მიმწოდებელი ვალდებულია სააპელაციო განცხადების შემთხვევაში შემსყიდველს მიაწოდოს ექსპერტის დასკვნა, განცხადების დაწერიდან არაუგვიანეს 3(სამი) კალენდარული დღისა.
- 6.5. მიმწოდებელს უფლება აქვს:
- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;

**VII. ხელშეკრულების ინსპექტირების პირობები**

7.1. ხელშეკრულების შესრულების ხელშეკრულების პირობებთან შესაბამისობაზე ინსპექტირებას განახორციელებს შემსყიდველი ორგანიზაციის წარმომადგენელი/წარმომადგენლები.

**VIII. მხარეთა პასუხისმგებლობა ხელშეკრულების პირობების დარღვევისას**

- 8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.
- 8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ხელშეკრულებით გათვალისწინებული პირობების შესრულებისათვის.
- 8.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.
- 8.4. ხელშეკრულების მხარეს, მის მიერ შესყიდვის ობიექტთან დაკავშირებული ვალდებულების შესრულების ვადის გადაცილების შემთხვევაში, დაეკისრება პირგასამტებლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.2%-ის ოდენობით.
- 8.5. თუ ერთი მხარისთვის დაკისრებული პირგასამტებლოს ჯამური თანხა გადააჭარბებს შესყიდვის ობიექტის საერთო ღირებულების 3%, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.
- 8.6. წინამდებარე ხელშეკრულების 5.2 პუნქტითგანსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დაავისროს შემსყიდველს პირგასამტებლო შესაბამისად, ყოველ ვადაგადაცილებულ დღეზე გადაუხდელი თანხის 0,07%-ის ოდენობით.

**IX. ფორს-მაჟორული სიტუაციები**

- 9.1. მხარეები პასუხისმგებელნი არ არიან თავისთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, ხელისშემმლელ გარემოებათა აღმოფხვრის შემდეგ.
- 9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივ შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტოს ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.



## X. ხელშეკრულების პირობების გადასინჯვა

- 10.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმტეს 10%-ისა.
- 10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევებში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

## XI. ხელშეკრულების მოქმედების ვადა

- 11.1. ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2017 წლის 31 იანვრამდე.

## XII. დავა და მისი გადაწყვეტის წესი

- 12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.
- 12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 5 (ხუთი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

## XIII. სხვა პირობები

- 13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერი მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

## XIV. მხარეთა იურიდიული მისამართები და რეკვიზიტები, მხარეების

წარმომადგენელთა ხელმოწერები, მექანიზმები

„მიმწოდებელი“

სსიპ „ საქართველოს იუსტიციის სასწავლო  
ცენტრი“  
ქ. თბილისი სანდრო ეულის ქ. 3ა.  
მიმღების დასახელება - ხაზინის ერთიანი  
ანგარიში;  
მიმღები ბანკი - სახელმწიფო ხაზინა;  
ბანკის კოდი - TRESGE22;  
მიმღების ანგარიში /სახაზინო კოდი 707997153  
საიდენტიფიკაციო კოდი: 204423230



„შემსყიდველი“

ლაგოდეხის მუნიციპალიტეტი  
საიდ. კოდი: 233144987  
ქ. ლაგოდეხი, 26 მაისის ქ. №25  
მიმღების დასახელება - ხაზინის ერთიანი  
ანგარიში;  
მიმღები ბანკი - სახელმწიფო ხაზინა;  
ბანკის კოდი - TRESGE22;  
მიმღების ანგარიში /სახაზინო კოდი 200122900

